

ষাণ্মাসিক সামষ্টিক মূল্যায়ন ২০২৪

শ্রেণি: অষ্টম

বিষয়: বাংলা

তোমার বিদ্যালয়ে ‘বিদ্যালয়ের উন্নয়ন বিষয়ক বৈঠক’ অনুষ্ঠিত হবে। এ বৈঠকে সকল শিক্ষক, শিক্ষার্থী ও অভিভাবক একত্র হয়ে শিক্ষার্থীদের নানা প্রয়োজন এবং বিদ্যালয়ের নানা সমস্যা ও সম্ভাবনা নিয়ে আলোচনা করবেন। এ আলোচনাকে সামনে রেখে শিক্ষার্থীদের কাছ থেকে লিখিত মতামত ও চাহিদা বা দাবি আহ্বান করা হচ্ছে। বৈঠকে শিক্ষার্থীদের নানা বিষয়ে নিজেদের ভাবনা ও মতামত প্রকাশের সুযোগ থাকবে। একই দিন বিদ্যালয়ের সকল শিক্ষার্থীকে নিয়ে দেয়াল পত্রিকা উন্মোচন করা হবে। দেয়াল পত্রিকায় প্রকাশের জন্যও শিক্ষার্থীদের কাছ থেকে সৃষ্টিশীল লেখা আহ্বান করা হচ্ছে।

কাজ ক. জোড়ায় আলোচনা করে নিচের কাজগুলো করো।

১। বৈঠকে সামনে রেখে এবং বৈঠকের দিনকে কেন্দ্র করে পাশের সহপাঠীর সাথে আলোচনা করে নিচের কার্যক্রমগুলো অনুসরণ করো। এরপর খাতায় লেখো—

- তোমার বিদ্যালয়ের বিভিন্ন প্রয়োজন বা সমস্যা খুঁজে বের করতে হবে।
- এসব প্রয়োজন বা সমস্যা নিয়ে কার কার সাথে যোগাযোগ করা যায়, তার একটি তালিকা করতে হবে।
- যোগাযোগের মাধ্যম ও উপকরণ কী হতে পারে, সেগুলো নির্ধারণ করতে হবে।

[কাজগুলো করতে গিয়ে কোন বিষয়গুলো তুমি নিজে খুঁজে পেয়েছো আর কোনগুলো আলোচনার মাধ্যমে উঠে এসেছে তা উল্লেখ করতে হবে। প্রয়োজনে আলাদা ছক ব্যবহার করা যেতে পারে।]

২। তালিকা থেকে যে কোনো একটি প্রয়োজন বা সমস্যা নিয়ে দুটি যোগাযোগের নমুনা তৈরি করো।

- নমুনা দুইটির একটি হবে মৌখিক যোগাযোগের এবং আরেকটি হবে লিখিত যোগাযোগের।
- এ নমুনা দুটি হবে তোমার তালিকার যে কোনো দুই জন ব্যক্তিকে ঘিরে।

[নমুনা দুইটি তৈরি করতে পাশের সহপাঠীর সাহায্য নেয়া যাবে। সহপাঠীর সাথে কথা বলে তুমি কোন কোন বিষয়ে জানতে পেরেছ তা যোগাযোগের নমুনা লেখার আগে সংক্ষেপে আলাদাভাবে তুলে ধরতে হবে। নমুনার ধরণ ও বিষয়বস্তু হুবহু এক হওয়া যাবে না।]

কাজ খ. দেয়াল পত্রিকায় দেওয়ার জন্য রচনা তৈরি করো। রচনাটি তৈরি করতে নিচের নির্দেশনা ও নমুনাগুলো অনুসরণ করো।

- কাজটি করতে হবে দলগত আলোচনার মাধ্যমে।
- প্রতি দলে ৪ জন করে সদস্য থাকতে পারে।
- দলের সদস্যরা নিজেদের মধ্যে আলোচনা করে ঠিক করবে কে কোন ধরনের রচনা তৈরি করবে। তবে প্রতিটি দলেই বিভিন্ন ধরনের রচনার নমুনা থাকতে হবে।
- রচনার কাঠামো ও বিষয়বস্তু নিয়ে এবং নতুন নতুন ধারণা নিয়ে আলোচনা করা যাবে।
- নমুনা লেখাটি লেখার আগে, দলীয় আলোচনার মাধ্যমে কি কি সিদ্ধান্ত নেয়া হয়েছে এবং গুরুত্বপূর্ণ বিষয় উঠে এসেছে তা লিখতে হবে।
- রচনায় নিজের সৃষ্টিশীলতা, পর্যবেক্ষণ ও দক্ষতার প্রতিফলন ঘটাতে হবে।
- রচনার একটি শিরোনাম দিতে হবে।

নিচে কয়েক ধরনের লেখার নমুনা দেওয়া হলো—

- বিবরণমূলক লেখা: বিদ্যালয়/ শ্রেণিকক্ষ/ স্কুলমাঠ/ পাঠাগারের বিবরণ
- বিশ্লেষণমূলক লেখা: বিদ্যালয়ের সামগ্রিক সুযোগ-সুবিধা
- তথ্যমূলক লেখা: বিদ্যালয়ের গুরুত্বপূর্ণ তথ্য
- কল্পনানির্ভর লেখা: বিদ্যালয়কে ঘিরে কোনো গল্প

১। উপরের যে কোনো একটি ধরন বেছে নিয়ে তোমার বিদ্যালয়ের পরিপ্রেক্ষিতে ২০০ শব্দের মধ্যে একটি রচনা লেখো।

উপরের নমুনা বিষয়বস্তুগুলো ছাড়াও নিজ বিদ্যালয় যেকোনো বিষয়বস্তু নিয়ে রচনাটি লেখা যাবে।

২। রচনাটি লেখার পর এটি কেন বিবরণমূলক/ বিশ্লেষণমূলক/ তথ্যমূলক/ কল্পনানির্ভর তার পিছনে যুক্তি দাও।

কাজ গ. তোমার লেখা উপরের রচনার ভিত্তিতে এককভাবে নিচের কাজগুলো করো—

- দুটি বাক্যের উদ্দেশ্য, বিধেয়, উদ্দেশ্যের প্রসারক ও বিধেয়র প্রসারক চিহ্নিত করো।
- যে কোনো দশটি শব্দ আভিধানের বর্ণানুক্রমে সাজাও।